

Baibulo ya ana
Ikupasilani

Yeremiya,
Munthu wa
Misozi



Yolembedwa ndi: Edward Hughes

Yojambulidwa ndi: Jonathan Hay
Alastair Paterson

Yotengedwa ndi: Mary-Anne S.

Yotathauzidwa ndi: Tapiwa Maraira

Yo pangidwa ndi: Bible for Children
www.M1914.org


©2022 Bible for Children, Inc.

Chilolezo: Muli ndi ufulu wotenga ndi kuchurukitsa
makopewa koma osagulitsa.



Yeremiya anabadwira
m'nyumba yachipembedzo
mu ufumu wa Yuda.
Bambo ake, Hilikiya, anali
wansembe. Banjali
linkakhala m'tauni
yotchedwa Anatoti,
pafupi ndi Yerusalemu.
Mwina makolo a Yeremiya
ankaganiza kuti iyenso
adzakhala wansembe.
Koma Mulungu anali ndi
zolinga zina.





Pa nthawi imene Yere miya
ankabadwa, anthu a Mulungu
sankatsatira Mawu a
Mulungu. Pafupifupi
aliyense, kuyambira mfumu
mpaka wantchito wonyozeka
kwambiri, ankambira
milungu yonyenga - ngakhale
m'Kachisi woyera wa
Mulungu!




Yeremiya ali
mnyamata,
Mulungu
analankhula naye.

"Ndinakudziwa
iwe usanabadwe," Mulungu anamuuza Yeremiya,
"ndipo ndinapangiratu kuti udzandinenera Ine."



Kuitana kwa Mulungu kunkaoneka ngati kukuchititsa mantha Yeremiya. "Aa, Ambuye Yehova!" iye analira. "Sindingathe kuyankhula, chifukwa ndine mwana." Anali woposa mwana - anali ndi zaka makumi awiri.

Koma Yeremiya sankaganiza kuti akanatha kulankhula m'malo mwa Mulungu chifukwa cha zoipa zimene zinkamuzungulira.



Mulungu anatsimikizira Yeremiya kuti:
"Usachite mantha. "Pita kulikonse
kumene ndikutuma.

Unene
chilichonse
chimene
ndikuuze.

Ine ndili
nawe ndipo
ndidzakupulumutsa."
Kenako Mulungu anachita
chinthu chapadera.
Mulungu anakhudza
pakamwa pa Yeremiya.



Mulungu anapatsa Yeremiya mphamvu, kulimba mtima ndi nzeru. Iye analankhula molimba mtima, kukumbutsa anthu kuti Mulungu amawakonda ndipo amafuna kuwathandiza. Koma palibe amene anamumvera. Osati ngakhale mfumu.



Ngakhale ansembe anakwiya ndipo anamuuza kuti asiye kulankhula za Mulungu. Panalinso aneneri onyenga amene ankanena kuti Yereimiya sankanena zoonna.



Yeremiya anakumbutsa anthuwo kuti zaka 100 m'mbuyomo, ufumu wakumpoto wa Isiraeli unasiya Mulungu. Adani awo, Asuri, anawagonjetsa ndi kusamutsira Aisrayeli onse kumaiko akutali.





Tsopano anthu a Yuda,
ufumu wakum'mwera,
anali atasiya Mulungu.
Asilikali a adaniwo
anali akuyenda kale!
Kodi Mulungu
akanalola kuti anthu
ake agonjetsedwe ndi
kutengedwa kupita
ku ukapolo?



Anthuwo ankakhulupirira mafano awo. Kodi mafano angawapulumutse kwa adani awo? Ayi! Mulungu yekha ndi amene akanatha kuwapulumutsa. Anthuwo anakwiyira kwambiri Yereimiya moti anakonza chiwembu choti amuphe. Koma Mulungu adateteza mtumiki wake.



Paumaliro, Chiuta wakayowoya
chinthu icho chikwenera kuti
chikamukhwaska chomene
Yeremiya. Mulungu anati,
"Musapempherere anthu awa.
Sindidzawamva pamene
adzandilirira thandizo."



Yeremiya anachenjeza mfumuyo kuti idzagonja pankhondo ya ku Babulo. Mfumuyo inakwiya ndipo inaponya Yeremiya m'ndende. Ngakhale m'ndende, Yeremiya anapitirizabe kulalikira ndi kukhulupirira Mulungu.



Atatuluka
m'ndende Yere
miya analalikiranso kwa mfumu ndi anthu kuti abwerere kwa Mulungu ndi kuika chikhulupiriro chawo mwa Iye.




Pa nthawiyi,
mfumu inalamula kuti Yere
miya alowe m'dzenje lakuya lamatope.



Koma Mulungu anali kugwira ntchito mu mtima wa mfumu. Iye anapulumutsa Yeremiya mobisa n'kumufunsa zimene Mulungu ankafuna kuti mfumuyo ichite. "Pitani ku

ukapolo,
ndipo
Mulungu
akuti
mudzakhala
ndi moyo,"
linali yankho.



Gulu lankhondo la Babulo
linagonjetsa Yerusalemu ndi Yuda
yense. Iwo anagwetsa malinga ndi
nyumba zonse, ndipo anatenha
chirichonse. Mulungu ananena
kuti anthu ake
adzapita ku ukapolo
kwa zaka 70,

ndipo kenako
adzawabweretsanso
ku Dziko
Lolonjezedwa.



Yeremiya, Munthu wa Misozi

Nthano yochokera mu mau a Mulungu,
Baibulo,

opezeka mu

Yeremiya

"Polowela pa mau anu pamapasa kuwala."
Masalimo 119:130



Mapeto



Nthano iyi yamBaibulo imakamba za ubwino wa Mulungu yemwe anatipanga ndipo akufuna kuti mumdziwe iye.

Mulungu amadziwa kuti tima chita zoipa, zimene zimachedwa chimo. Chilango cha uchimo ndi infa, koma Mulungu anatikonda kwambiri ndipo anatuma mwana wake yekha, Yesu, kuzatifela pamtanda ndi kunzuzika chifukwa cha machimo anu. Ndipo anaukansa kwa akufa na pita kumwamba! Ngati ukukhulupirira Yesu mupempheni akukhulukileni machimo anu, azakukhulukirani! Adzabwera kukhala nanu, ndipo muzakhala naye kunthawi zonse.

Ngati mukukhulupirira kuti izi ndizoona, nenani ichi kwa Mulungu: Ambuye Yesu, ndikhulupirira ndinu mwana wa Mulungu, ndipo munakhala munthu kundifera ine machimo yanga, ndipo mulinso ndi moyo. Chonde, lowani mmoyo mwanga ndikundi khulukukira machimo anga, kuti ndikhale ndi moyo watsopano, ndipo tsiku lina ndikakhale ndiinu muyaya. Ndithandizeni kukumverani ndi kukhala mwa inu ngati mwana wanu. Amen.

Welenga Baibulo ndi kuyankula ndi Mulungu matsiku onse!
Johane 3:16

